



## Vrati se i klanjaj, jer ti, zaista, nisi klanjao

Od Ebu Hurejre, radijallahu anhu, prenosi se da je Allahov Poslanik, sallallahu alejhi ve sellem, ušao u mesdžid, a nakon njega ušao je i neki čovjek, te počeo klanjati. Nakon namaza došao je i poselamio Poslanika, sallallahu alejhi ve sellem, a on mu reče: "Vrati se i klanjaj, jer ti, zaista, nisi klanjao." Čovjek se vrati i klanja kao što je klanjao i prvi put, a zatim dođe Vjerovjesniku, sallallahu alejhi ve sellem, koji mu reče: "Vrati se i klanjaj, jer ti, zaista, nisi klanjao." Treći put mu Poslanik, sallallahu alejhi ve sellem, isto naredi, a on reče: "Tako mi Onoga Koji te je poslao sa Istinom, ja ne znam drugačije, pa me nauči." Poslanik, sallallahu alejhi ve sellem, tada mu reče: "Kada htjedneš da obaviš namaz donesi početni tekbir, zatim prouči iz Kur'ana ono što ti je lahko, a nakon toga učini ruku' i tako ostani sve dok se ne smiriš, zatim se vrati sa ruku'a sve dok se u potpunosti ne uspraviš, a nakon toga učini sedždu i tako ostani sve dok se u potpunosti ne smiriš, a kada se vratiš sa sedžde sjedi i tako ostani dok se u potpunosti ne smiriš. Tako radi u cijelom namazu."

[صحيح] [متفق عليه]

Poslanik, sallallahu alejhi ve sellem, ušao je u džamiju, a za njim je ušao neki čovjek te klanjao dva rekata u žurbi, ne smirujući se na stajanju, ruku'u i sedždi. Poslanik, sallallahu alejhi ve sellem, promatrao ga je dok je klanjao. Čovjek je zatim prišao Poslaniku, sallallahu alejhi ve sellem, koji je sjedio u jednom dijelu džamije, nazvao mu selam, a Poslanik mu uzvрати na selam i reče: "Vrati se i ponovo klanjaj, jer nisi ispravno klanjao." Čovjek se vratio i ponovo klanjao na isti način, u žurbi kao i prije. Zatim je prišao i nazvao selam Poslaniku, sallallahu alejhi ve sellem, a on mu opet reče: "Vrati se i ponovo klanjaj, jer nisi ispravno klanjao." Poslanik, sallallahu alejhi ve sellem, to mu je ponovio tri puta. Čovjek tada reče: 'Tako mi Onoga Koji te je poslao s Istinom, ne znam bolje od ovoga, pa me poduči.' Poslanik, sallallahu alejhi ve sellem, tada mu reče: "Kada staneš na namaz, izgovori početni tekbir (tekbiretul-ihram), zatim prouči El-Fatihu i ono što želiš od Kur'ana. Potom učini ruku'u i smiri se u ruku'u tako da staviš dlanove na koljena, ispraviš leđa i tako se u potpunosti umiri. Zatim se podigni i ispravi, tako da se kosti vrate na svoja mjesta i stoj uspravno. Nakon toga učini sedždu i smiri se na sedždi tako da čelo i nos, dlanovi, koljena i vrhovi prstiju budu oslonjeni na tlo. Zatim se podigni i smiri u sjedenju između dvije sedžde. Tako čini na svakom rek'atu svog namaza."

النجاة الخيرية  
ALNAJAT CHARITY

